

ԱԼԱՇԿԵՐՏԻ ԲԱՐԲԱՌԻ ՀՈԼՈՎՈՒՄՆԵՐԸ

Ք. Մ. ՄԱԴԱԹՅԱՆ

Ալաշկերտի բարբառն ունի շորս հոլով՝ ուղղական, տրական, բացառական և դործիական։ Ներգոյականի իմաստն արտահայտվում է անորոշ տրականով և մէճ (մեջ) կապով (օրինակ՝ տան մէճ, ջը՛րի մէճ, հողի մէճ և այլն), ինչպես և ուղղականով՝ այն դեպքում, երբ ներգոյականի իմաստը գրական հայերենում տրվում է տրականով (նըստե տուն գ՛իրկ լը կառտա—տանը նըստած գիրք է կարդում)։ Բացակայում են սեռական և հայցական հոլովները, որոնք նույնացել են ուղղականի ու տրականի հետ։ Ուղղականը ունի զրո վերջավորություն։

Տրական հոլովը կազմվում է ուղղականից՝ հոլովիչների ավելացմամբ։ Վերջադրական հոլովման դեպքում հոլովիչները կարող են ընդունվել որպես տրականի վերջավորություններ, ըստ այդմ էլ տրականը կունենա ի, ու, ա, ան, վա, ոճ վերջավորությունները։

Բացառականը կազմվում է ուղղական հոլովից՝ ի, ու, ան հոլովումների համար, և տրականից՝ ա, օ, վա, ոճ, և մասամբ ան հոլովումների համար։ Բացառականի վերջավորություններն են՝ է, էն, նէ, իծ, ուծ, ա, ած, ընդ որում, իծ վերջավորությունը նորամուծություն է, որի գործածությունը կապվում է այլ բարբառների և գրական հայերենի ազդեցության հետ և անընդհատ ընդարձակվում է՝ եզակի թվում ցուցաբերելով մյուս վերջավորություններին փոխարինելու ակնհայտ ընդունակություն։

Գործիականը կազմվում է ուղղական հոլովից։ Միայն օ հոլովման (և մասամբ ան) բառերի գործիականն է կազմվում տրականից, ինչպես՝ հէր, հօր, հօրօվ։ Ոճ հոլովման բառերը գործիականում ունեն զուգահեռ ձևեր՝ կազմված ուղղականից և տրականից. տէր, տիրօվ, տիրօճով։ Գերակշռությունը ուղղականից կազմված ձևերին է պատկանում։

Թեք հոլովները հոգնակի թվում կազմվում են հոգնակի ուղղականից հետևյալ կերպ. տրականը՝ ու հոլովիչ-վերջավորությունով, բացառականը՝ էն, իծ, ուծ, գործիականը՝ օվ վերջավորությամբ։ Բացառություն են կազմում կ, յիկ մասնիկներով հոգնակի կազմով բառերը, որոնց տրականը ունենում է ոծ վերջավորություն։ Այս դեպքում բացառական և գործիական հոլովները կազմվում են հոգնակի տրականից։

Ալաշկերտի բարբառն ունի ութ ճովովում՝ ի, ու, ա, ան, վա, օ, ոճ գրաբարակերպ՝ եզակի թվի համար, և ու, ոծ՝ հոգնակիի համար։

Հոլովումը, ըստ հոլովիչների տեղադրման, ունի երկու բնույթ՝ վերջադրական և ներդրական։ Վերջադրական հոլովման ժամանակ հոլովիչը ավելանում է բառի վերջում։ Վերջադրական հոլովումը գերիշխողն ու հիմնականն է բարբառում։ Ներդրական հոլովման դեպքում հոլովիչ ձայնավորը դրվում է բառի

1 Ներդրական և վերջադրական տերմինները գործածում ենք պրոֆ. Ա. Ա. Աբրահամյանի հետևությամբ։

մեջ, որի հետևանքով տեղի են ունենում բառերի արմատական ձայնավորների փոփոխություններ:

Եթե հոլովումը եզակի թվում բազմազանություններ և բավականաչափ անկայունություններ ունի, որ կտեսնենք հետո, ապա հոգնակի թվում հասել է միօրինակության, գրեթե անբաժան տիրապետություն տալով ու հոլովիչին: Տրական հոլովում ու հոլովիչը հանդես է գալիս սակավաթիվ բառերում, իսկ այդ բառերը կարող են հոլովվել նաև ու հոլովիչով:

Ի հոլովման բառերը եզակի տրականում ստանում են ի հոլովիչը, հոգնակի տրականում՝ ու: Եզակի բացառական ունի էն կամ իծ, հոգնակին՝ ուծ, էն վերջավորությունները, գործիականը՝ օվ: Ի հոլովումը վերջադրական բնույթի է: Ի հոլովման ենթարկվում են.

ա) Ու ձայնավորով վերջացող գոյականների մի մասը լու-լըվի, ճ'ու-ժ'վի, հ'առու-հ'առվի և այլն, որոնց բառավերջի ու ձայնավորը ի հոլովիչից առաջ դառնում է վ:

բ) Բոլոր անձնանունները. Արուս-Արուսի, Շողիգ-Շողիգի, Պօղոս-Պօղոսի, Պէդրօս-Պէդրօսի, Հ'օվանէս-Հ'օվանէսի և այլն:

Անձնանունների ի հոլովիչը ձայնավորների մոտ դառնում է յ. Գ'էվօ-Գ'էվօյ, Կարօ-Կարօյ, Պէդէ-Պէդէյ և այլն: Պատճառը հավանաբար այն է, որ շեշտը մնում է արմատական ձայնավորի վրա, չի անցնում ի հոլովիչին և վերջինս թույլ է արտասանվում ու փոխարկվում յ-ի:

գ) Ուտեն, իկ, ագ, անկ, ածու, արան, իճ, ոռտ, վոր, ոծ ածանցներով վերջավորվող բառերը. հ'ընգէրուտեն-հ'ընղէրուտէնի, լավուտեն-լավուտէնի, դ'ըռնագ-դ'ըռնգի, սօղնագ-սօղնգի, ուղէլիկ-ուղէլիկի, սէրմածու-սէրմածուի, ճաշարան-ճաշարանի, ճ'էվիճ-ճ'էվիճի, ճամպոռտ-ճամպոռտի, քաղվոր-քաղվորի, դ'առպընոծ-դ'առպընօծի (բացառություն են կազմում մի քանի բառեր):

դ) Ա ձայնավորով վերջացող բառերը. թալվա-թալվի, գ'ատա-գ'ատի, շուրվա-շուրվի, քէճա-քէճի: Այսպիսի բառերի հոլովման ժամանակ վերջահանգ ա ձայնավորը դուրս է ընկնում:

ե) Նորագույն փոխառությունները՝ կատարված ռուսերենից և արդի գրական հայերենից (բացառությամբ ի-ով վերջացողների). կօլխօղ-կօլխօղի, տրակտօր-տրակտօրի, բրիգադիր-բրիգադիրի:

զ) Մարմնի մասերի անուններից հետևյալները. քիթ, բ'էրան, մէճկ, անգաջ, մադ, ըղունգ, լինդ, սիռդ, թոկ, պօջիգ, աղիկ, գօշ, մազ, վիզ, շօկ, բօդ, ագռա, լեզու:

է) Գոյականաբար գործածվող ածականները, թվականները, ենթակայական, հարակատար դերբայները. լավ-լավի, մէդ-մէգի, աշխադօղ-աշխադօղի, տեսուգ-տեսուգի:

ը) Բազմաթիվ գոյականներ, որոնք ըստ վերջավորությունների, ածանցների և այլ հատկանիշների չեն խմբավորվում. քար, հող, առդ, ջ'ուր, ամբ, ցան, տառտ, ջըվալ, պուլիդ, թեռ, թել, զրնջիլ, փոգ, հըրօր, աման, կարաս, թառ, կուժ, կուբըր, սինձ, ցօրեն, խօդ, ծառ, սէլ, կանանճ և այլն:

Ու հոլովման բառերի տրականը ստանում է ու հոլովիչ թե՛ եզակի, թե՛ հոգնակի թվում: Բացառականի վերջավորություններն են ուծ, էն, գործիականին՝ օվ: Ու հոլովումը վերջադրական բնույթ ունի: Ու հոլովման ենթարկվում են.

ա) Ու ձայնավորով վերջացող բառերից երկուսը. կադու-կադվու, բ'ու-բ'ւվու:

բ) Ա ձայնավորով վերջացող մի բառ. ճամպա-ճամպու:

գ) Ի ձայնավորով վերջացող բառերը, բացի ժամանակ ցույց տվողներից, որոնք ենթարկվում են Վա հոլովման՝ գ'արի-գ'արու, հօկի-հօկու, կաշի-կաշու, փօշի-փօշու, ջ'օրի-ջ'օրու: Այս և նման բառերի ի-ն թեք հոլովներում դուրս էլքնկնում:

դ) Զի, էծի, ածի, ծի ածանցներով վերջացող բառերը. դհօլճի-դհօլճու, ղուտնաճի-ղուտնաճու, կառպէծի-կառպէծու, հ'էրէվընծի-հ'էրէվընծու, դ'էղածի-դ'էղածու:

ե) Մարմնի մասերի անուններից երկուսը. գ'ըլօխ-գ'ըլխու, փոր-փօրու:

զ) Կենդանիների ու թռչունների անունները. գ'էլ-գ'իլու, գ'առ-գ'առու, կօվ-կօվու, լոր-լօրու, ճընջուղ-ճընջըղու և այլն: Բացառություն են կազմում եղ, օճխար, վաղըր, առյուծ, ցուրուր, շուն բառերը:

է) Չղասղասվող մի խումբ բառեր. մառտ, ժամ, լուս, ճիժ, գ'ոմ, դ'ուս, սուրսի, աստված, ծուռ, քուն, ճ'որ, հոր, ծօվ, պառավ, մուխ, ամօտ, համ, հող, յերդինկ, էտում, արէվ, քուռսի և այլն:

Ամիս, տարի, մուտ, ջ'ուր, կարօդ բառերը թեև կարող են ստանալ ու հոլովիչ, բայց ավելի շուտ հոլովվում են այլ հոլովիչներով. տարի, ամիս՝ վա հոլովիչով, մուտ՝ աւ հոլովիչով, կարօդ, ջ'ուր՝ ի հոլովիչով:

ը) Գոյականաբար գործածվող անորոշ դերբայները. գ'ալ-գ'ալու, տալ-տալու, առնել-առնելու, էրտալ-էրտըլու, հասնել-հասնելու և այլն:

թ) Բնության երևույթների անուններից հետևյալները. ցուռդ-ցըռղու, շոկ-շօկու, անձրև-անձըրէվու, քամի-քամու:

ժ) Տեղանունները ենթարկվում են ա հոլովման², բայց պատահում է նրանց գործածությունը նաև ու հոլովիչով. Արարան-Աբարանու, Ալագյազ-Ալագյազու, Թավրէզ-Թավրէզու և այլն:

Գոյականները հոգնակի թվում հոլովվում են ու հոլովիչով:

Հոգնակիում ու հոլովման չեն ենթարկվում միայն այն բառերը, որոնք ունեն կ, դիկ հոգնակիակերտ մասնիկները: Սրանց հոլովիչը կլինի ոձ:

Օրինակ՝ ուղղ. սանէրդիկ

բաց. սանէրդոժէն, իծ

տր. սանէրդօծ

գործ. սանէրդօծօվ

Բայց նման բառերը թեք հոլովներում ավելի շուտ գործածվում են եր, ներ մասնիկները ևս ստանալուց հետո: Այս դեպքում արդեն ենթարկվում են ու հոլովման:

Այսպես՝ ուղղ. սանէրդիկ

բաց. սանէրդիկնէրուծ

տր. սանէրդիկնէրու

գործ. սանէրդիկնէրօվ:

Սէր բառը պատկանում է ու հոլովման և ունի կանոնավոր հոլովում

ուղղ. սէր

բաց. սիրուծ

տր. սիրու

գործ. սիրօվ

Ա հոլովումն ունի ներգրական և վերջադրական բնույթ:

² Տեղանունները ա հոլովման են ենթարկվում նաև Ղարաբաղի և մասամբ Մշու բարբառներում: Տե՛ս Ս. Բաղդասարյան-Թափալցյան, Մշու բարբառը, Երևան, 1958, էջ 89:

Ներգրական հոլովման դեպքում ա հոլովիչը դրվում է բառի ներսում, իսկ տվյալ բառի արմատական ձայնավորը դուրս է ընկնում: Այս ձևով ստանում ենք տրական հոլովը: Բացառական հոլովը կազմվում է ուղղականից էն կամ իծ վերջավորությունների կցումով: Գործիականը՝ դարձյալ ուղղականից և ունի օվ վերջավորություն.

հզակի	հոգնակի
ուղղ. տուն	տըներ
տր. տան	տընէրու
բաց. տընէն, իծ	տընէրութ, էն
գործ. տընօվ	տընէրօվ

Ա ներգրական հոլովման հնթարկվող բառերի թիվը մեծ չէ.

ա) Մի քանի միավանկ բառեր, որոնց արմատական ձայնավորն է ու. տուն-տան, ճ'ուն-ճ'ան, շուն-շան, սուն-սան և այլն:

բ) Բազմավանկներից՝ անուն-անվան բառը:

Ա վերջադրական հոլովման են պատկանում այն բառերը, որոնք տրանսիվանում ստանում են ա հոլովիչը:

Այս հոլովման բառերի բացառականը նույնն է տրականի հետ³. Երբեմն տրականի ա-ին ավելանում է ծ: Հոգնակի տրականն ունի ուծ, էն վերջավորությունները: Գործիականը կազմվում է ուղղականից օվ մասնիկով:

Այս հոլովման են հնթարկվում.

ա) Որպես բնակավայր հասկացվող տեղանունները՝ գյուղ, քաղաք, շրջան, քացի ի-ով վերջացողներից: Ալաշկեռդ-Ալաշկեռդա, Աբարան-Աբարանա, Քուճակ-Քուճակա և այլն:

բ) Լեռների և գետերի անունները. Մասիս-Մասիսա, Շողանկատ-Շողանկատա, Արազ-Արազա և այլն:

գ) Ամիսների անունները. հունվար-հունվարա, փետրվար-փետրվարա և այլն: Մայիս, հունիս, հուլիս ամսանունները հնթարկվում են նաև ի հոլովման մայիս-մայիսա, մայիսի և այլն:

դ) Երկրների անունները, որոնք ունեն ստան ածանցը. Հայաստան-Հայաստանա, Վրաստան-Վրաստանա, Բուսաստան-Բուսաստանա, Հրեղգաստան-Հրեղգաստանա և այլն:

ե) Մի շարք այլ գոյականներ. թունդիր, ախճիգ, կընիգ, փրիգ, սանիդ, ավազան և այլն, որոնց հզակի բացառականն ունի նև վերջավորությունը:

Աղջիկ բառը ա վերջադրական կանոնավոր հոլովման է պատկանում:

Այսպիսով, Ալաշկերտի բարբառին հատուկ չէ աղջիկ և սէր բառերի՝ ժամանակակից գրական հայերենում այլաձև համարված հոլովումը: Ահա այդ բառի հոլովման պատկերը.

հզակի	հոգնակի
ուղղ. ախճիգ	բաց. ախճըդած
տր. ախճըգա	գործ. ախճըգօվ
	ախճըգ'ներ
	ախճըգ'նէրու
	ախճըգ'նէրութ
	ախճըգ'նէրօվ

Հոգնակի թիվ չունեն ա, բ, գ, դ կետերում թվարկված բառերը:

³ Այսպես է նաև Վանի բարբառում: Տե՛ս Հ. Աճառյան, Քննություն Վանի բարբառի, Երևան, 1953, էջ 116.

Ան հոլովման պատկանում այն բառերը, որոնք տրականում ստանում են ան հոլովիչը: Ան հոլովումը վերջադրական բնույթի է:

Հոգնակի տրականը կազմվում է հոգնակի ուղղականին ավելացնելով ու: Բացառականի եզակին ունի էն, իծ, իսկ հոգնակին՝ ուծ, էն վերջավորությունները: Գործիականը և՛ եզակի, և՛ հոգնակի թվի համար՝ օվ: Մի խումբ բառերի բացառականն ու գործիականը կազմվում են տրականից, ուրիշներինը՝ ուղղականից: Ան հոլովման պատկանում են.

ա) Տարվա եղանակների անուններից. ձմեռ-ձմռան, ամառ-ամռան (ենթարկվում են նաև վա հոլովման), ամբողջ, ձմեռվա:

բ) Գրաբարում բառավերջում և ունեցող և բարբառում այդ ն-ից զրկված բառերի մեծ մասը. յեղ-յեղան, ասեղ-ասխան, դուռ-դ՛րռան, մուգ-մըգան, ձուգ-ձըգան, քեռ-ք՛եռան, կամ-կաման և այլն: Այս կարգի վորդ, ձ՛եռ, գ՛առ, հառ բառերը ան հոլովման չեն ենթարկվում:

գ) Ում-ով վերջացող բառերը. հուսում-հուման, յէսում-յէսման, սիլոսածում-սիլոսածման, սօծմըռածում-սոծմըռծման, խոսում-խոսման և այլն:

դ) Մի խումբ այլ բառեր. արուն-արնան, լուծ-լըծան, թումբ-թըմբան, մուտ-մըտան (լինում է նաև՝ մըտնու), խուռծ-խըռծան- հ՛ապ-հ՛ապան (նաև՝ հ՛ապի), խունգ-խընգան և այլն:

Գրաբարում ն-ով վերջացող բառերը Ալաշկերտի բարբառում ան հոլովիչով հոլովվելիս կորցրած ն-ն վերստանում են եզակի թվի բացառական, գործիական և հոգնակի թվի բոլոր հոլովներում. օրինակ՝

եզակի	հոգնակի
ուղղ. դ՛ուռ	դ՛ըռներ
տր. դ՛ըռան	դ՛ըռներու
բաց. դ՛ըռէն, ից	դ՛ըռներուծ, էն
գործ. դ՛ըռնօվ	դ՛ըռնէրօվ:

Վա հոլովման պատկանում են այն բառերը, որոնք տրականում ստանում են վա հոլովիչը: Բացառական հոլովը կազմվում է տրականից և ունենում է եզակիում ած, նէ, հոգնակիում ուծ վերջավորությունները: Նէ վերջավորություն ունեն ոչ բոլոր բառերը: Տեղանունները բացառականում կարող են ունենալ ած վերջավորություն, բայց ավելի շուտ՝ ա, որի դեպքում բացառականը չի տարբերվում տրականից: Տեղանունների բացառականը նէ վերջավորություն չի ունենում: Գործիականը կազմվում է ուղղականից. վերջավորությունն է օվ: Վա հոլովման ենթարկվում են.

ա) Ի ձայնավորով վերջացող տեղանունները. Մուկի-Մուկըվա, Կառպի-Կառպըվա, Ջանգի-Ջանգըվա, Լօռի-Լօռվա, Փառպի-Փառպըվա և այլն:

բ) Ժամանակ ցույց տվող բառերը. օր-օրվա, կէսօր-կէսօրվա, հ՛իրգուն-հիրգըվա, լուսուն-լուսվա (վաղը), էրգուշապտի-էրգուշապտըվա (տարի, ամիս, շապատ բառերը հոլովվում են նաև ու հոլովիչով):

գ) Գոյականաբար գործածվող ժամանակի մակբայները. շուտ-շուտվա, հերու-հերվա, հ՛առէճ-հ՛առէճվա:

դ) Վա հոլովման ենթարկվում են նաև մայ-մայվան և կէս բառերը (վերջինս միայն բարդության մեջ). ամիսուկես-ամիսուկիսվա, իսկ առանձին վերջրած ենթարկվում է ու հոլովման՝ կէս-կիսու:

Օ հռլովման են ենթարկվում հէր, մէր, ախպէր և դրանցով բաղադրված բառերը, ինչպես՝ սանամէր-սանամօր, հօրօխպէր-հօրօխպօր, քավորհէր-քավորհօր և այլն: Օ հռլովումը ներդրական բնույթի է:

Տրական հռլովը կազմվում է բառի է ձայնավորի փոխարեն օ ավելացնելով: Բացառական և գործիական հռլովները կազմվում են տրականից: Բացառականը եզակիում ունի իծ, էն վերջավորությունները և, ի տարբերություն մյուս հռլովումների, ավելի դործածականը իծ վերջավորությունն է: Հէր, մէր բառերի բացառականը կարող է ունենալ նաև ուծ վերջավորություն (հօրուծ-մօրուծ և նման այլ կապակցություններում): Հոգնակի բացառականը ունի ուծ վերջավորություն: Ախպէր բառը հոգնակի ուղղականում ախպըրներ ձևով հանդես գալու կամ տրականում երկրորդ հոգնակիակերտ մասնիկն ստանալու դեպքում հռլովվում է հէր և մէր բառերի հոգնակիի նման, իսկ ախպըրդիկ ձևով հռլովվում է նրանցից տարբեր և բացառականում ստանում է էն կամ իծ, տրականում ուծ վերջավորությունները: Գործիականը եզակի և հոգնակի թվերում ունի օվ վերջավորություն:

Ոճ հռլովման պատկանում են այն բառերը, որոնք եզակի տրականում ստանում են ոճ հռլովիչը: Բացառական հռլովը կազմվում է տրականից, գործիականը՝ և՛ տրականից, և՛ ուղղականից: Բացառականի վերջավորություններն են էն, իծ, ուծ (վերջինը միայն հոգնակի թվի համար), գործիականինը՝ օվ:

Ոճ հռլովման պատկանող բառերը բոլորն էլ ցույց են տալիս բարեկամական կամ ազգակցական հարաբերություններ, դրանք են. քուր, կիսուր, տէկըր (տէկրոճ և տէկեր), սանէր, անէր, քավոր, տալվ և սրանցով կազմված բառերը: Տալվ բառի վ-ն դուրս է ընկնում թեք հռլովներում—տալոճ, տալօճիծ... Այսպիսի հարաբերություններ արտահայտող, բայց այս հռլովման տակ չթվարկվող բառերը ենթարկվում են մյուս հռլովներին:

Ոճ հռլովման են ենթարկվում նաև հ'ընգեր, տէր բառերը, որոնք ցույց են տալիս փոխհարաբերություններ:

Բացի նրանից, որ Ալաշկերտի բարբառում պատահում են գրաբարյան քառացած հռլովական ձևեր (մօրէ մերգ, մօրէ մէգ, Ատամա պուքուզ, մէղած ծօվ, սէրման սոխ, օղօրմի քու ծնօղած, հիշօղած և այլն), ունենք հինգ բառ, որոնք հռլովվում են ճիշտ և ճիշտ գրաբարի հռլովման սխառմով: Դրանք են՝ աճկ, ձ'եռ, վոդ, գ'արուն, աշուն:

եզակի

ուղղ. աճկ	ձ'եռ	վոդ	գ'արուն	աշուն
տր. աճիճ	ձ'էռած	օգած	գ'արնան	աշնան
բաց. աճկէ	ձ'էռնէ	օղնէ	գ'արնանէ	աշնանէ
գործ. աճկօվ	ձ'էռօվ	օդօվ	գ'արնանօվ	աշնանօվ
			(գ'արնանօծօվ)	(աշնանօծօվ)

Ինչպես երևում է, աճկ բառի տրականը նույնն է գրաբարյան սեռական-տրական աչից ձևի հետ, համաձայն բարբառիս հնչյունական օրենքների, չ-ն դարձել է ճ, իսկ ց-ն՝ ծ-ը, որ առնմամբ օրենքով վերածվել է ճ-ի: Զ'էռած, օղած տրականները նույնն են գրաբարյան սեռական-տրականի ձևաց, ոտաց ձևերի հետ: Բացառականի ի ձևանէ, յոտանէ, ի գարնանէ, յաշնանէ հռլոված ձևերից ընկել է նախդիրը միայն: Գործիականում եղած տարբերությունը պի-

տի վերադարձնել ան բանին, որ Ալաշկերտի բարբառում օվ վերջավորությունը տարածվել է, իսկ բառերի վրա առանց բացատրության՝ ստեղծելով միօրինակություն դործիական հոլովում: Այս բառերի հոգնակները ենթարկվում են ու հոլովման:

Գրարարյան հոլովման հետ նմանություններ ունի նաև ամառ, ձմեռ և լարրառում ան հոլովման ենթարկվող մյուս բառերի հոլովումը, որոնք կորցրել են դարբարի եզակի թվի վերջահանգ և ձայնորդը:

Հարադիր գոյականները հոլովվում են այնպես, ինչպես ժամանակակից գրական հայերենում: Հարադրության առաջին մասը մնում է անփոփոխ, իսկ երկրորդը հոլովվում է:

եզակի	հոգնակի
տր. տուն ու աէղի	տուն ու տէրան
ուղղ. տուն ու տեղ	տուն ու տէրանէրու
լաց. տուն ու տէղիծ, էն	տուն ու տէրանէրուծ
դործ. տուն ու տէղով	տուն ու տէրանէրով

Կան դեպքեր էլ, երբ հարադրության երկրորդ մասը հոլովվում է, իսկ առաջինը բացառականում ու դործիականում հանդես է գալիս տրականի ձևով: Օրինակ.

ուղղ. հէր ու տրղա
տր. հօր ու տրղի
լաց. հօր ու տրղիծ
դործ. հօր ու տրղով

Կարող է հոլովվել նաև՝ տուն ու տեղ, տանու տեղի և այլն: Գծիկով դրվող հարադիրների առաջին բառը երբեք չի հոլովվում. աման-չաման, աման-չամանի, աման-չամանիծ, աման-չամանով, կամ՝ տուն-տեղ, տուն-տէղի և այլն: Այսպիսի հարադրությունների մեջ մտնող բառերը չեն պահպանում իրենց իմաստային ինքնուրույնությունը, երկուսը միասին առնվում են նոր, վերառված իմաստով, որով բարդությունը դառնում է ավելի սերտ:

Հոլովական վերջավորությունների տախտակ

Հոլովներ	Հ ո լ Վ ո Վ ո լ մ ն ե ը								հոգնակի	
	ե զ ա կ ի									
	ի	ու	ա	ան	վա	օ	ոն	դրա- բարա- կերպ	ու	ոծ
Ուղղական	—	—	—	—	—	—	—	—	հոգնակի մասնիկ	հոգնակի մասնիկ
Տրական	ի	ու	ա	ան	վա	—	ոն	ուծ, իծ, ան	ու	ոծ
Բացառական	էն, իծ	ու, ուծ	իծ, ա ած, էն	էն, իծ	նէ, ուծ, ա	իծ, էն	իծ, էն	է	ուծ, էն	իծ, էն
Գործիական	ով	ով	ով	ով	ով	ով	ով	ով	ով	ով

СКЛОНЕНИЕ В АЛАШКЕРТСКОМ ДИАЛЕКТЕ

К. М. МАДАТЯН

Резюме

Склонение в Алашкертском диалекте имеет свои особенности. Прежде всего надо отметить отсутствие винительного и родительного падежей. Винительный падеж совпадает с именительным: *քու էրէխն* *տար տուն*. *էդ յեղրն լրձու* и т. д. Родительный падеж не отличается по морфологическим признакам от дательного падежа.

Склонению единственного числа свойственно многообразие и непостоянство, многие слова подвергаются двум и более склонениям, а склонение множественного числа дошло до единообразия и почти дало полное овладение склонению «*ու*».

Система склонения Алашкертского диалекта в основном агглюнативная, но сохранялось флективное склонение для малочисленных слов. Отложительный падеж группы слов, особенно названий местностей, похож на дательный, который образовался вследствие выпадения предлога в отложительном падеже. Название животных, как в древнеармянском языке, подвергаются склонению на «*ու*»; *գ'էլ — գ'իւլ*, *աղվես — աղվուլ*, *կով — կովու* и т. д.

Склонение слов «*աղջիկ*» и «*սեր*» изменено, первое подвергается склонению «*ա*», второе — «*ու*».

Некоторые слова склоняются так, как в древнеармянском языке: *օր-աւոր*, *աճկ-աճիճ*, *վոդ-օղտ* (древнеармянский *աւր-աւոր*, *ալք-ալիք*, *նախ-նախց*) и т. д.